

REGLUGERÐ

UM FLUGMÁLASTJÓRN ÍSLANDS

skipulag, starfshættir og verkefni.

1. gr.

Hlutverk flugmálastjórnar er að:

- a) framfylgja lögum, reglugerðum og fyrirmælum um flugmál.
- b) rækja alþjóðleg eða fjölþjóðleg samskipti á sviði flugmála,
- c) fylgjast náið með þróun og viðgangi flugmála innanlands og utan,
- d) styðja og veita aðhald innlendum flugrekstri,
- e) gera heildaráætlanir um flugsamgöngur á landinu, með hliðsjón af líklegri þróun í flugmálum og hagkvæmni í samgöngum,
- f) gera tölulegt yfirlit yfir þróun flugsamgangna hverju sinni.

2. gr.

Flugmálastjórn Íslands greinist í eftirtaldar aðaldeildir:

- a) fjármálastjórn,
- b) flugleiðsöguþjónustu,
- c) flugumferðarþjónustu,
- d) flugvallarþjónustu,
- e) loftferðaeftirlit.

Aðaldeildir skiptast í undirdeildir í samræmi við verkefni og skipurit flugmálastjórnar, sem ráðherra staðfestir hverju sinni.

3. gr.

Flugmálastjóri er stjórnandi flugmálastjórnar Íslands. Hann stjórnar stofnuninni í samræmi við stefnumörkun, sem felst í lögum, reglum og fyrirmælum æðri stjórnvalda.

Forstöðumaður hvernar aðaldeildar gegnir stöðu framkvæmdastjóra, forstöðumenn undirdeilda gegna stöðu deildarstjóra.

4. gr.

Flugmálastjóri leiðir starf flugmálastjórnar Íslands og hefur eftirlit með því að verk séu unnin fljótt, hagkvæmt, vel og í anda góðrar opinberrar þjónustu. Hann fylgist sérstaklega með því að mannaflí og tækjakostur stofnunarinnar sé vel nýttur. Hann skal fylgjast náið með þróun flugmálastjórnar og taka frumkvæði um allt, sem til betri vegar horfir.

5. gr.

Framkvæmdastjórar leiða starf deilda sinna og deila niður verkefnum. Þeir skulu vera sjálfstæðir í starfi, en bera ábyrgð gagnvart flugmálastjóra, á verksviði deilda sinna. Þeir skulu gæta fyllstu hagkvæmni í rekstri og framkvæmdum og með því sjónarmiði leysa hvert verkefni á árangursríkan og fljótan hátt, hverju sinni. Framkvæmdastjórar skulu velja sér staðgengla í forföllum.

6. gr.

Deildarstjórar skulu starfa sjálfstætt að verkefnum deilda sinna og svara til ábyrgðar fyrir framkvæmdastjórum. Þeir skulu hafa sama sjónarmið til verka sinna og framkvæmdastjórar.

7. gr.

Umdæmisstjórar flugvallapjónustu skulu vera: einn í vestfjarðakjördæmi, einn í norðurlandskjördæmum eystri og vestri og einn í austurlandskjördæmi, einn í suðurlands- og vesturlandskjördæmum. Þeir heyra undir framkvæmdastjóra flugvallapjónustu.

8. gr.

Framkvæmdastjórum, deildarstjórum og umdæmisstjórum skulu sett nákvæm erindisbréf um verksvið þeirra.

9. gr.

Flugmálastjóri skal hafa a. m. k. mánaðarlega fundi með framkvæmdastjórum aðaldeilda þar sem rædd eru verkefni síðastliðins mánaðar og verkefni þess næsta skipulögd. Skal þar sérstaklega fylgst með þróun framkvæmda- og rekstraráætlana. Í fjarveru einhvers mæti staðgenglar. Haldin skal fundargerðarbók um framgang mála.

10. gr.

Framkvæmdastjórar skulu halda fundi með deildarstjórum eigi sjaldnar en á fimmtán daga fresti, þar sem verk eru skipulögd og fylgt eftir. Á þeim fundum skal rita fundargerðir.

11. gr.

Verksvið aðaldeilda er í höfuðatriðum sem hér segir:

Fjármálastjórn:

Gerð tillögu að flugmálaáætlun í samráði við aðaldeildir.

Gerð fjárlagatillagna.

Yfirstjórn fjármála.

Eftirlit með því að framkvæmdir og rekstur séu innan fjárlaga.

Færsla bókhalds, allt með því markmiði að bókhaldið verði sem virkastur stjórnunarþáttur.

Starfsmannahald.

Gerð starfsreglna.

Almennt skrifstofuhald og skjalavarsla.

Tölfræðileg gagnaöflun og úrvinnsla.

Útgáfa árbókar flugmálastjórnar.

Alþjóðleg samskipti (þ. á m. núverandi ICAO deild).

Útboð verkefna í samráði við aðaldeildir.

Flugleiðsöguþjónusta:

Rekstur og viðhald allra flugleiðsögu- og fjarskiptatækja, ljósabúnaðar flugvalla og búnaðar upplýsingadeildar, flugstjórnarstöðva og flugradióstöðva.

Hönnun og nýframkvæmdir við flugleiðsögutæki og ljósabúnað flugvalla.

Rekstur upplýsingadeildar, útgáfa og hönnun flugkorta ásamt tilkynningarskyldu (NOTAM) fyrir flug.

Stjórn starfsmanna flugleiðsöguþjónustu.

Gerð rekstrar- og viðhaldsáætlunar vegna flugleiðsögu.

Nýframkvæmdir og eftirlit með fjarskipta- og flugleiðsögutækjum og ljósabúnaði flugvalla.

Flugprófanir flugleiðsögustöðva.

Gerð útboðsgagna og kostnaðaráætlana vegna nýframkvæmda.

Menntunar- og þjálfunarmál rafeindavirkja.

Fylgjast grannt með öllum nýjum lausnum við flugleiðsögu.

Flugumferðarþjónusta:

Rekstrar- og skipulagsmál flugumferðarþjónustu.
Gerð rekstrar- og viðhaldsáætlunar vegna flugumferðarstjórna.
Menntunar- og þjálfunarmál flugumferðarstjóra.
Gerð áætlana um þróun flugumferðar í millilandaflugi og innanlandsflugi.
Leitar- og björgunarþjónusta.
Útgáfa tæknilegra starfsreglna, vegna flugumferðarþjónustu.

Flugvallarþjónusta:

Rekstur og viðhald allra flugvalla landsins.
Stjórn starfsmanna flugvallarþjónustu.
Gerð rekstrar- og viðhaldsáætlunar fyrir flugvelli.
Gerð áætlana um skipulag flugsamgangna.
Hönnun flugvalla og mannvirkja á þeim.
Nýframkvæmdir við gerð flugvalla, og mannvirkja á þeim, eða umsjón með framkvæmdum.
Gerð útboðsgagna og kostnaðaráætlana vegna nýframkvæmda.
Fylgjast náið með öllum nýjum lausnum við gerð flugvalla og mannvirkja á þeim.

Löftferðaeftirlit:

Umsjón með flugkennslu, flugnámi og útgáfa skírteina flugliða, flugvéltækna, flugumferðarstjóra, flugumsjónarmanna og flugradiómanna.
Eftirlit með flugliðum.
Skráning loftfara og eftirlit með lofthæfi.
Eftirlit með flugrekstri þ. m. t. sérleyfum og áætlunarleyfum.
Vera til liðsinnis við flugslysaneftnd.
Rannsaka slys og óhöpp er verða við notkun loftfara.
Hafa samvinnu við rétt yfirvöld um rannsóknir á brotum gegn löftferðalögum.
Halda flugöryggisfund með flugliðum ár hvert.
Halda dagbók um kærumál sem tekin hafa verið fyrir og birta opinberlega úrdrátt úr henni árlega.
Í skipuriti má færa verkefni milli aðaldeilda, ef þurfa þykir og þar horfir til sparnaðar eða hagræðis.

12. gr.

Öllum stjórnendum flugmálastjórna Íslands, ber hverjum á sínu sviði, að vinna að góðu skipulagi og hagkvæmum rekstri og fylgjast vel með nýjungum, sem til framfara horfa. Þeim ber að leggja fyrir flugmálastjóra tillögur sínar og ábendingar um endurbætur á sínu verkswiði og hafa nána samvinnu um sameiginleg mál.

13. gr.

Reglugerð þessi er sett samkvæmt heimild í 188. gr. laga nr. 34 21. maí 1964 um löftferðir til þess að öðlast þegar gildi og birtist til eftirbreytni öllum þeim sem hlut eiga að máli.

Samgönguráðuneytið, 20. apríl 1983.

Steingrímur Hermannsson.

Brynjólfur Ingólfsson.